

পিস কোরের কর্মকাণ্ড সম্পর্কে যুক্তরাষ্ট্র দুতাবাসের বিবৃতি

ঢাকা, ১৫ই মার্চ, ২০০৬ -- যুক্তরাষ্ট্র দুতাবাস আজ (১৫ই মার্চ) বাংলাদেশে পিস কোরের কর্মকাণ্ড সম্পর্কে একটি বিবৃতি প্রকাশ করেছে। বিবৃতিটি নিচে দেয়া হলো:

জামাতুল মুজাহিদিনের শীর্ষ সাত জন নেতার মধ্যে পাঁচ জনের গ্রেফতারের প্রতিশোধ হিসেবে সন্ত্রাসীরা বাংলাদেশে পিস কোরের স্বেচ্ছাসেবীদের ওপর হামলা চালাতে পারে এই আশংকায় ওয়াশিংটন ডিসিতে পিস কোর বাংলাদেশে তার কার্যক্রম অনিদিষ্ট কালের জন্য স্থগিত রাখার সিদ্ধান্ত নিয়েছে। কোন একক হুমকি বা ঘটনার পরিপ্রেক্ষিতে নয়, বাংলাদেশের বিদ্যমান নিরাপত্তা পরিবেশের স্বত্ত্ব মূল্যায়নের পর পিস কোর এই সিদ্ধান্ত গ্রহণ করে।

জামাতুল মুজাহিদিনের আবদুর রহমান ও বাংলা ভাইয়ের গ্রেফতারকে সন্ত্রাসবাদ ও জঙ্গীবাদের বিরুদ্ধে অভিযানে গুরুত্বপূর্ণ পদক্ষেপ হিসেবে আমরা স্বাগত জানিয়েছি। কিন্তু এই সাফল্যের পরিণতিতে জেএমবির এখনো যেসব জঙ্গী ধরা পড়েনি, তারা আমেরিকান ও অন্যান্য পশ্চিমা নাগরিকের ওপর প্রতিশোধমূলক হামলা চালাতে পারে। এই স্থগিতাদেশ অব্যাহত থাকবে না তুলে নেয়া হবে, তা নিরূপনের উদ্দেশ্যে বাংলাদেশের নিরাপত্তা পরিস্থিতি মাঝে মাঝে পর্যালোচনা করা হবে।

=====

জিআর/২০০৬